

**ZAPISNIK SA 07. SJEDNICE UO SAMOSTALNOG SINDIKATA RADNIKA U BHRT-u,
U MANDATU 2019-2023, KOJA JE ODRŽANA U UTORAK 29.10.2019. GODINE**

Prisutni: D. Smital; N.Tadić; Dž. Kahrica; E. Čengić; E. Fočo; S.Kavazović; E.Agić; N. Arnautović; D.Miljević; M.Herac; S.Gadžo; M. Baručija ; R.Kukić

Odsutni: M. K. Pašalić; M. Grbo; J.Sogović - **opravdano** O. Bukić – **neopravdano**

Dnevni red:

1. Zapisnik sa 6. sjednice
2. Aktuelna situacija u BHRT-u
3. Pravilnici o ocjenjivanju i napredovanju
4. Kolektivni ugovor
5. Finansije (D. Karšić)
- oprema za kancelarije
6. Ugovori
- Adriatic
7. Dodjela pomoći (M.Herac, M. Baručija, R. Kukić)
8. Razno

AD 1. D.Smital je na osnovu člana 35. Statuta Samostalnog sindikata radnika u BHRT-u, otvorio 07. sjednicu UO SSR u BHRT-u i predložio dnevni red, koji je jednoglasno usvojen kao i zapisnik sa 06. sjednice UO sindikata.

AD 2. D.Smital je izvjestio UO da je upućen dopis generalnom direktoru u vezi sastanaka sa podružnicom PEP-a kao i sa prijedlogom održavanja sastanaka sa drugim podružnicama. Obzirom da sindikat nije dobio nikakav odgovor ponovno je upućen e-mail sa upitom nakon kojeg je generalni direktor poslao dopis u kojem stoji:

“U zahtjevu za sastanak podružnice PEP-a, uglavnom se traži od menadžmenta da osigura „povećanje dnevničica”, dodatna noćenja na terenu”, „sistematizaciju kojom će biti popravljen loš položaj uposlenika PEP-a”, „zaustavljanje odlazaka kvalitetnog kadra” ili „adekvatno napredovanje”. Iz navedenog proizilazi da kod uposlenika BHRT u PEP-u (i vrlo vjerovatno i ostalih podružnica koje traže sastanke) ne postoji svijest o okruženju u kojem BHRT funkcioniра već niz godina. S obzirom na to da je postojeći način naplate takse osiguran naporima sadašnjeg menadžmenta, te do danas nije riješeno pitanje naplate RTV takse na način kako to predviđa relevantni Zakon, ne postoje finansijske pretpostavke da se izade u susret većini zahtjeva. Pri tome je važno naglasiti da i kod postojećeg načina naplate takse, bilježimo pad naplate, tako da je prihod od takse za prvih 9 mjeseci ove godine manji za 875.000 KM u odnosu na isti period u 2108. godini. Bilo kakva nova trošenja sredstava bi, kao direktnu posljedicu, imala vraćanje vrijednosti boda na nivo prije povećanja od 10 posto do kojeg je došlo krajem prošle godine, prvi put od stupanja na snagu sistematizacije iz 2008. Zbog svega navedenog, do daljnog ne vidimo svrhu organiziranja sastanaka s podružnicama, pogotovo jer menadžment ima stalnu komunikaciju s rukovodstvom Sindikata.

P. S. Što se tiče, ostalih pitanja navedenih u zahtjevu, reprezentativni Sindikat će, kao partner koji po zakonu ima konsultativnu odluku biti upoznat s prijedlogom nove organizacije i sistematizacije čim taj prijedlog bude završen. Tender za HTZ opremu nije realiziran zbog žalbe jednog od ponuđača i taj proces će biti nastavljen. U vezi drugih pitanja koja su pomenuta u zahtjevu za sastanak, na većini se već aktivno radi ili su ranije apsolvirana (dopis NS BiH).”

D.Smital je naglasio da je posljednji sastanak sa rukovodstvom sindikata menadžment održao početkom avgusta mjeseca a jedini sastanak nakon tog je bio sa predstvincima Podružnice RTV Producije. Nakon ovog dopisa generalnog direktora, rukovodstvo sindikata je zatražilo sastanak sa menadžmentom koji je zakazan za 31.10.2019.godine. Obzirom da neće biti organizovani sastanci po podružnicama, kolegij je dogovorio da se na sastanku sa menadžmentom iznesu svi problemi koje su podružnice dostavile za sastanke sa menadžmentom kako bi se pokušali rješiti nagomilani problemi radnika BHRT-a.

Pravni zastupnik sindikata je poslao odgovor na upit sindikata o javnom objavlјivanju plata i stimulacija BHRT-a u kojem stoji:

“Članom 49. stav 3. Zakona o radu u insticijama BiH, koji se primjenjuje i na zaposlene u BHRT-u, određeno je:” Pojedinačne isplate plate nisu javne.” Iz navedene odredbe se jasno da zaključiti da poslodavac podatke o pojedinačnim isplatama platama javno ne objavljuje. Međutim, to ne znači da se ne može tražiti od poslodavca da javno objavi visine plata svih zaposlenika (koliki je iznos plaća za pojedina radna mjesta i zaposlena na tim radnim mjestima), bez objavlјivanja pojedinačnih isplata plata odnosno da ih objavljuje za svaki mjesec. Navedeno se odnosi na isplate stimulacija sto znači da nije dužan da objavi pojedinačne isplate stimulacija ali se može zahtjevati da objavi visinu stimulacije za sve zaposlene”. Sindikat ostaje pri zaključku da se traži prosjek plata uposlenika po sektorima.

R.Kukić je postavio upit za menadžment zna li se razlog pada rtv takes, koji je to iznos i postoji li strategija menadžmenta u vezi ovog problema. Ovo pitanje će biti upućeno generalnom direktoru.

AD 3. UO Sindikata jednoglasno je usvojio odluku o primjedbama sindikata na prijedloge pravilnika menadžmenta o napredovanju i oscjenjivanju.

AD 4. D.Smital je pripremio prijedlog kolektivnog ugovora u skladu sa Prrogramom rada SSR u BHRT-u. UO Sindikata je jednoglasno usvojio odluku o nacrtu prijedloga kolektivnog ugovora.

Nakon što je dobijeno mišljenje advokata sindikata, prijedlog D.Smitala je da se Kolektivni ugovor uputi podružnicama na javnu raspravu i da Podružnice dostave svoje primjedbe do sljedeće sjednice UO. Ovaj prijedlog je jednoglasno usvojen.

AD 5. Blagajnički izvještaj za septembar 2019. godine je primljen k znanju.

UO sindikata je jednoglasno usvoji odluku o rashodovanju računara HP de7900 SFF, a koji je služio kao materijalno sredstvo sindikata. Jednoglasno je usvojena odluka o utrošku sredstava sindikata za opremanje kancelarijskog prostora sindikata u iznosu od 1386,70 KM

AD 6. Adriatic izvještaj za septembar 2019 je primljen k znanju.

AD 7. M.Herac je istakla problem sa kojim se susreće komisija za dodjelu pomoći. Naime, ljudi koji nemaju adekvatne papire/nalaze za dodjelu pomoći vrše pritisak i presreću ljudi iz komisije i UO zbog ne/dodjele pomoci. Nakon kraće rasprave, komisija za dodjelu pomoći je dobila punu podršku za dodjelu pomoći na osnovu pravilnika koji je usvojen na UO sindikata.

Dž.Kahrica je istakao kako lose zdravstveno stanje za koleginicu M.Podgoricu i na osnovu člana 9. Pravilnika o dodjeli pomoći predložio 3x500KM. Komisija za dodjelu finansijske pomoći (M.Herac, R.Kukić, M.Baručić) predložila je da novčanu pomoć za mjesec oktobar uz usvojeni prijedlog Dž.Kahrice dobiju sljedeći članovi: Melća Podgorica 500KM (I dio), Azra Sušić 500KM, Bisera Bajić 400KM (I dio), Nermin Hodžić 200KM, Ivan Vilić 200KM, Ramiza Tahirović 100KM. Ukupno 1900 KM.

Poklon baby bon u iznosu od 200 KM za rođenje djeteta dobio je Muhamed Mizić.

Prijedlog komisije je jednoglasno usvojen.

AD 8. E.Agić je informisao sindikat o party-ima koji se održavaju u RTV Domu u organizaciji trećih lica koja u tu svrhu angažuju privatno osiguranje i izrazio zabrinutost za sigurnost i obezbeđenje tokom organizacije istih, Zaključak sindikata da se skrene pažnja menadžmentu na organizaciju party-a trećih lica u RTV Domu je usvojen jednoglasno.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital